



大明英宗睿皇帝實錄

廢帝郡庭王附錄

景泰四年夏四月戊子朔

太上皇帝居南宮

帝尊

太廟代遣中官祭司竈之神戶部以山東東昌及

直隸鳳陽等府民饑又沙灣修築河道夫匠衆多

糧儲當為樽節奏請移文山東巡撫尚書薛希堧

并布按二司各委官於濟南有糧官倉支糧一萬

石起情進年里長有下大戶運送沙灣備用其山

東三司官及東昌兗州濟南三府直隸淮安揚州
鳳陽三府州縣并衛所官員應支本色俸糧俱自
四月朔一日為始暫支一石生員廩米減支五斗
其餘折支鈔貫自德州抵淮安驛役客廩給行支
二升生支三升一日經過兩驛不許重支持收成
如有糧之日如舊關給從之 戶部主事戴璠奏淮
安徐州所屬人民飢窮棄產拋家賣妻鬻子雖有
右僉都御史王竑設法勸貸賑恤緣富實出粟者
少而貧困乏食者多若不預為蓄積誠恐患生不
虞乞以淮浙運司鹽召商於淮安徐州等處官倉

上納米麥及將淮安船料鈔自今俱折米每鈔五
貫折米三升其鈔舊在官者亦差人分賣於豐熟
地方糴糧實淮安倉以備賑濟事下戶部議鹽課
待給邊儲未可遽支船料折米麥宜從具請然亦
恐不敷南京官倉積糧數多年久不無陳腐請移
文南京兵部量撥空間馬快船各領糧十萬石每
石加耗二升運赴徐州倉交納賑濟駕船軍士每
人賞銀一錢從之 復築沙灣決口畢工監察御
史彭誼言河隄僅完人力實罷舍民夫雖已踈放
寧家而原設看橋撈淺者猶供役且貧難無食乞

每人月給糧三斗從之

命紀汜水郡主并儀賓崔銘歲祿如例從鄒世子祁
鏐奏請也 旌表節婦張氏等二人張氏河南扶
溝縣民劉清夫妻亡紡績以奉舅姑守節三十二
年盧氏直隸武平衛副千戶金源妻夫亡惟食粥
啜菜紡績以供祭掃守節四十三年俱表其門曰

貞節

太子太傅安遠侯柳溥以其家口衆多乞月給京食
俸米三十石養贍已得請戶科左給事中成章等

奏方今水旱頻仍

聖心愷切而溥安享祿位不以斯民饑殍為憂顧慮
身家無復庶恥宜加屏斥以回天變詔是章等言
仍命月給溥米二十石 巡守黃花鎮都指揮僉
事魯瑄役占官軍二百人為點閱主事黃節所劾
兵部請正其罪詔宥之

庚寅

書復慶王秩堦曰承諭以左長史周弘聞母喪已
回原籍守制欲請京保留之特允所謂叔祖可不
必來旨召宣府右副總兵都督同知衛穎右叅將

署都督僉事張欽還兵以總兵官過興奏宣府軍
少將多故也吏部都給事中林聰奏銀場歲有
獨辦然其間礦脉細微場分不得減免如此則設
銀場雖曰將以防賊盜其病民亦已甚矣臣本福
建人福建銀場之不便臣正統中實目擊其事况
今盜賊荼毒之餘加以旱荒連歲五穀不收若不
遣官覆視除豁斯民恐不聊生事下戶部議請移
文鎮守福建兵部尚書孫原貞并巡按御史都布
按三司從長計議如果銀場不便於民應與停止
明白會奏區處若可以弭盜安民亦從實具奏從

簡微辦務官民兩便從之

壬辰

大寧都指揮同知王昇署都指揮僉事王茂劉信
王振妾奏脫所屬千戶接受銀絹侵剋軍糧之罪
下法司俱論贖徒還職從之

癸巳

陞湖廣沅州衛指揮同知周琮岳州衛署指揮使
朱纓俱署都指揮僉事事分委武昌及岳州等衛
守備從巡撫右都御史李實言也

甲午

書復昌化王任墀曰得奏以大同人民艱難欲移於分封之地就祿養贍此意具悉然

祖宗封建素定朕不敢專寧且輕動專此以報
馬都尉沐昕卒輟視朝一日遣官賜祭命有司營
葬

乙未日與編韻

賜文武百官宴調南京禮部右侍郎姚夔視事
禮部

賜前軍都督僉事脫脫字羅姓名脫順 廣西柳
城縣奏縣嘗被賊民多逃亡連年旱甚田畝無收

人戶所負夏秋稅糧屯田子粒均乞蠲免命戶部
遣人覆視之

丙申

勅大同總兵官定襄伯郭登副總兵右都督孫鏜前
得爾登奏爾鏜及其子宏越禮僭分大肆欺凌已
降勅責鏜并令御史完宏罪今都御史年高又奏
命登因與鏜不和稱病辭醫堅卧不出且言登謀畧
雖優而局量狹隘鏜驍勇可取而言詞悖違深中
爾病智者若能包容則勇者必為之用此理之必
然勅至爾等務各釋去宿憾協心協力共濟邊務

遇警爾登居中運謀爾鐘提兵接戰各效其勞毋
仍挾私逞忿有失將臣之體有誤邊方之計如違
聽年富劾奏處治恩不爾再

命歲給靖江王府平安鄉君并儀賓唐晉祿米二百

石

太子太保兼刑部尚書俞士悅以勅建隆福寺啓普

度齋請收所梟賊首及枷號罪人以為宜溥天恩

於存亡刑科給事中尸旻言人臣宅心以正進言

亦正宅心以邪進言亦邪進以正則君益聖而治

道隆進以邪則君日驕而治道替人主不可不辨

之於早以審其蔽惑士悅心術回邪蹤詭秘違

迎阿諛以為容悅如欲收所梟賊首自宜體

皇上好生惡殺之心援古昔孟春掩骼埋胔之說何

得妄言建寺設齋執左道以亂政如欲收枷示罪

人自宜舉

皇上恤刑之典援古昔仲春省囹圄桎梏之說何得

謬言適當普度挾異端以要君其不能引君當道

輔君以德如此若不早察則其姦邪日甚引倭由

此成風異端由此橫流正道由此晦蝕引通者徐州

諸處災異迭見言者皆以小人在位正此之類誠

宜真士悅於法使邪人不容於清朝而將來者有
警其侍郎周瑄劉清河順苟從罪亦惟均詔士悅
等職典獄心存矜恤所言乃其當然是何得坐以
阿諂其置不問於是士悅自陳乞致仕詔曰方今
正委用老成之際卿勿以言事者為嫌所辭不允
致仕大理寺左少卿沈聚卒聚松江華亭人永
樂間與兄度俱以能書供奉內廷凡朝廷大制作
勅金石載簡冊多其所書累官翰林侍讀右春坊
右庶子大理寺少卿正統十四年致仕至是卒遣
官諭祭 先是襄王瞻塏欲營壽藏於封內五

朶山奏乞聽其預裁松拍令軍餘者守待四方寧
謐之時修造戶部請移文勘實至是湖廣都布按
三司官覆奏此山與軍民田土俱無相干詔從王
所請

命故帶俸金吾左衛都指揮僉事王榮弟成富峪衛
都指揮僉事劉壽弟鑄俱襲為指揮使武城後衛
帶俸都指揮僉事史賦子雄代為指揮使
南京禮部奏本部奉進表箋原設龍亭儀仗皆歲
又損散乞勅南京工部積料修理從之

成戎

賜寧河王慶長子名鍾鏞第二子名鍾鏗 戶部
奏請移文湖廣布政司令辰州府將安插達官結
聘等俸糧悉如原職應得數目支給其舍人達民
等月給米二石養贍仍於附近空閒田地內斟酌
職分大小量撥多寡分給耕種務使各遂生業以
命圖補報從之 命補報從之 命補報從之 命
已亥

給大同官軍馬一千五百匹 守備柴溝等堡都
指揮使王林守備萬全左衛都指揮同知李延為
右僉都御史李秉案其不盡心追捕入境斂馬之

虜俱贖杖還職

庚子

陞江西道監察御史許仕達為福建布政司左叅
政降浙江布政司右叅議程克正為江西德興縣
知縣福建按察司副使曹祥為直隸旌德縣知縣
僉事孫振望為浙江臨海縣知縣克正等俱以巡
撫右都御史等官洪英等考察其不稱職也
命少保兼太傅戶部尚書文淵閣大學士陳循等以
定珍屢見陳躡避位 命少保兼太傅戶部尚書文淵閣大學士陳循等以
帝曰內閣乃輔導之職非老成人難以付託卿等歷

練有年尤當盡心匡輔治道不允所辭 太子太保兼兵部尚書儀銘自陳衰老乞致仕不允

命都察院右副都御史馬昂往兩廣總督軍務昂先叅贊甘肅軍務馳疏稱病欲還朝詔特令致仕至是大臣復有荐之者故召至而有是命賜之勅曰王政必濟以兵而後遠人可靖軍令必出於一而後大功可成近年以來廣東廣西各處地方賊寇生發往往命將出兵勦殺蓋不得已為此止盜安邊之計柰何總兵者多不得其人或謀慮不逮或號令不嚴或擁兵坐視縱賊殃民或受命夾攻互

相推調失機謀事視為泛常科歛錢財全無忌憚故寇盜暫止而復作軍馬徒敝而無功此等將官已加降黜今特授爾總督閔防往廣東廣西總督軍務所在總兵等官並聽節制所有一應軍務陞賞悉從爾等便宜而行務在齊心協力設策運謀消除宿弊振起軍威除盜安民肅清嶺海凡遇地方有警即相機撫捕若果官軍調用不敷廣西則拘各該土官宣明朝廷優待授以爵位之意量加獎勞令起狼家軍士相兼官軍調用廣東則將土兵并各衛所舍人餘丁盡數選揀協助官軍守戰

其廣西狼家兵須許以有功之日重加陞賞必不
吝惜如軍職官自都指揮而下敢有退怯懷奸誤
事聽爾等以軍法從事或徑奏聞區處爾為朝廷
大臣尤須待廉秉公勤勞率下庶人有所視效如
違責有所歸 書復靖江王佐敬曰得奏以府中
承奉等官又欲將署職內使賈良等實授管事悉
准所言今除賈良為承奉正張貴承副王忠典寶
副張福典膳正陳義典膳副馬俊典服正王柏典
服副專此以報 十三道監察御史左昂等言往
者天文告變河南山東大水通者徐州等處大水

豈無意也
陛下遇災知懼之誠有未至數爵賞刑威之間有未
當歟抑群臣竊位苟祿者衆憂國忘家者少故無
以回天意而彌災患耶伏望
陛下隆德學彰政化總攬權綱痛革姦蔽黜遠貪佞
擢任賢才不作無益之事以靡財不興不急之役
以勞民躬行儉約廣推恩信凡敬天勤民之政務
求實效不為虛文將見人事盡而天理得民心悅
而天意順咎徵可彌休祥可致而治效成焉臣等
謹將救弊恤民事宜開具以聞曰求實才以任民

牧近日考察郡縣之官其已退者固多不肖而新
補者大率相類乞令該部既察其行能復策以特
務二者俱優然後授之或令內外官員各舉所知
而嚴舉主連坐之法苟郡縣官皆得其人民其有
不安乎曰停銀課以杜民患正統年間閩浙俱採
辦銀課豪猾貪利互相殺奪遂使鄧茂七葉宗番
之徒乘勢作亂致勞大軍征剿芟除而銀課之令
遂止不行近者皆仍前舉行臣等謂閩浙瘡痍之
民甫能安業誠恐求利未得而害已隨之乞暫免
採辦度無意外之憂曰務踐言以信斯民往者各

處召募民壯所司奉旨事定寧家今邊境既息而
民壯仍前拘操在外者不時調撥以供雜役在京
者或有脫逃則發充軍豈全信之道哉乞令民壯
各回本處遂其生業農隙操習略示懲勸儻遇有
警臨時取調庶官廩可省而信亦不失曰減工匠
以省虛費近年朝廷不急之務多已停罷而兩京
輪班人匠多為內外官吏把總作頭之屬隱占私
役受財賣放朝廷未得其用而口糧則照舊支給
乞勅該部除存番供役外其餘悉令放回庶民之
生理不妨而官之妄費可省曰禁遊惰以敦本業

今天下僧數十萬計此輩類非良善或因躲避糧
差或係脫逃軍因姦盜詐偽無^所不為豈非世之
大蠹者乎向有禁令寺院止許僧給度牒僧任持
違者發邊衛充軍里老四隣不首者罪同而俗吏
視為文具數年間未嘗見發問一人乞再通行天
下凡無度牒者即令還俗有度牒者止於本寺居
住如有仍前私自披剃潛住庵寺者在京令五城
兵馬鞫問發遣縱容者究問庶妖妄不興而蠹耗
可除曰專委任以謹邊防臣等切惟善馭將者必
使將帥之令行於偏裨如近者廷襄伯郭登奏稱

副總兵孫鏜凌慢朝廷既知其失乃務含容臣等
以為當辨其曲直審其是非若曲在郭登則明其
誣下周上之辜苟曲在孫鏜則正其居下陵上之
罪不宜使之仍前共事於二人中取回一人置之
別處如是則馭將之方守邊之宜舉無失矣曰選
大臣以清治本夫大臣者百辟之所視效今日大
命臣之中端方正直忠厚清謹者其人固有而姦回
罔上貪刻殘民庸碌尸位妨賢病國者其人尤多
乞察其甚者明加黜罷以示勸懲然後別選賢能
以新政理庶天意可回災患可彌而天下之治可

圖矣
帝命所司詳議以聞
月食

壬寅

命巡撫南直隸戶部右侍郎李敏督令蘇州府官員
勸諭殷實之家能出米麥八百石之上助官賑濟
者冠帶旌異
相陰王貴燭奏臣男豪壩年長雖
已聘室尚未畢婚府中祿米費用不敷乞將今年
祿折色鈔一萬五千貫暫改支本色米一千石應
用俟男完娶仍舊折鈔詔允其請

癸卯

命南京戶部改撥納南京倉糧三十萬石於徐州倉

以備賑濟從戶部郎中黃琛奏請也

巡按山東

監察御史顧瞻奏山東河南北直隸民被水災缺
糧賑濟乞勅罪人納米贖罪在山東者運納濟寧
倉在河南者運納被災府倉其南京并南北直隸
運納徐州倉事下戶部請如瞻言仍定則例雜犯
死罪納米六十石三流并徒三年納米四十石餘
徒連減五石杖每一十一石笞每一十五斗從之

甲辰

甲辰

甲辰

吏科都給事中林聰等言比者天文失度四方水旱暨察御史左馬等上言欲

陛下甄別大臣以回天意於是在廷大臣聯疏辭職俱蒙

陛下諭留然其間素愜士論者雖言以去小人而反使陛下留之以共治天事固宜而包羞忍恥者亦得一槩徵幸恩旨是易等之言本欲以去小人而反使小人愈逐其志矣易曰開國承家小人勿用書曰任賢勿貳去邪勿疑伏望

陛下念

祖宗之付託監聖經之明戒乞勅易等將所言大臣備陳其所為之失以憑黜退別選賢能以資佐理庶可以上回天意下服人心

帝曰大臣俱朝廷簡拔委以廢政異其共成治道今既累言其中有妨害政事包羞忍恥者爾等同十三道便從公舉其一二太甚衆所共知者具以聞不許一暨浮詞撻拾細故以快私情於是六科十三道並言奉命舉一二大臣妨政害治之甚者臣等訪得太子太保兼吏部尚書何文淵賦性儉邪存心兇險昔為郡守嘗欺世以盜名今任天官敢

專權而蠹政凡遇選官之時欺侮尚書王直年老
私比主事實維學任意作弊如監生李瑄以姻家
除南京刑部主事河南副使許資以饋送女子陸
布政使廣東叅議左瑞平昔貪污衆所共知以鄉
親陞叅政又其第四子喬壽已充原籍儒學生員
託以侍養為詞奏送順天府學讀書以圖今秋僥
倖入試又如温州金華二府接連處州俱是被賊
傷殘地方因喜石瑁而陸為布政使因怒王玘則
叅其失機其他懷姦之事尚多難以枚舉太子太
保兼通政司通政使李錫立心回邪貪淫無厭先

帝受高堂州知州唐泰贓私事覺已蒙恩宥今仍不
改前非令本司寫本監生辦事官當該吏典舖兵
供應酒食似此無恥貪饕之事卒難枚舉太子太
保兼刑部尚書俞士悅專以酷暴虐下以邪媚事
上如正統十四年虜寇犯邊先將妻子搬回以惑
衆心尚寶司丞楊壽犯罪自有正律却乃懷挾私
讎妄引經句叅稱情重欲加嚴刑似此慘刻實傷
和氣工部侍郎張敏庸庸保祿才不稱位衆所共

帝知伏望

皇上將文淵等四人處以至公嚴加黜罰庶天意可

皇回災沴可弭

帝曰何大淵俞士悅是朝廷大臣爾等所言俱是疑
似之事非有大過且令其修省仍舊視事張敏未
有過失置不問李錫念他在朝年久令冠帶致仕
巡撫四川左僉都御史李匡初以太子少師左
侍郎翰林學士江淵言其巡撫無益召回京至是
兵部右侍郎李賢被命覆匡貪污狀言其受尚平
縣主贖馬二匹三法司坐匡以犯職當為民且謂
匡數陳寃意欲倖免獄

帝命熙為民直隸隆慶州奏本州先被達賊驚散

今來復業貧民缺牛耕種乞勅戶部計議量借官
銀俾買牛用候秋成納米還官事下戶部議請移
文右僉都御史李秉勸實量於宣府萬億庫支銀
與買從之

乙巳

山東右布政使陸瑜言近詔各處鎮守巡撫按
官會三司官審錄罪獄臣以山東所屬府衛不下
百四十餘如必俟各官徧歷會審則囚徒積久不
得被恩典宜令各處鎮守巡撫按官但會審三
司并巡按御史所問罪囚其各府衛罪囚則如正

統九年例專委布按二司官各一人編審從之
丙午。典耳。各處。無。官。會。審。三
免湖廣長沙等府所屬州縣景泰三年被災田
糧之半并茶陵縣逋負景泰二年糧稅。提督宣
府軍務右僉都御史李秉奏龍門倉糧米缺少赤
城倉豆亦不敷乞命戶部定擬在京法司及巡按
直隸御史等官所問罪人令運米豆於二處交納
事下戶部議在京法司所問罪人令於通州倉支
豆運赤城巡按直隸御史并萬全都司等處所問
罪人令隆慶衛倉支米運龍門所運多寡數目各

因其罪之輕重而等焉從之

賜襄垣王第三子名仕聖。董卜韓胡宣慰司并
烏思藏地方刺麻番僧領占言千來朝貢馬及方
物賜宴及綵幣表裏等物有差。太子太保兼吏
部尚書何文淵為言官糾劾陳疏乞致仕詔曰六
科十三道所言者朝廷已裁處之卿當加意脩省
任事再不必辭

丁未

陞雲南叅贊軍務大理寺左少卿鄭顥為都察院
右僉都御史仍理前事從征南將軍都督同知沐

璘奏保也 復除四川布政司右參議任禮於河
南布政司以丁憂服闋也 太子太保兼刑部尚
書俞士悅為言官糾劾自陳疏乞竄遠方

帝曰言事之官各盡其職朝廷大臣尤宜遵守國法
前日六科十三道所言已審處之卿當重加自新
明慎刑罰不必固辭

戊申

琉球國中山王尚金福遣通事馬俊等來朝貢馬
及方物賜宴及綵幣表裏等物 陞福鎮海衛指
揮同知桂福為都指揮僉事以沙縣等處殺賊功

也

命天下諸色工匠以十分為率四分與內官監各廠
用工六分撥各處止工以內官韋暹督之

巳酉

右少監武良禮部右侍郎兼左春坊左庶子鄒幹
等奏臨清衛總旗吳剛原任本衛左所副千戶為
事降充總旗今願納米一千六百石乞復原職又
臨清縣學生員伍銘等願納米八百石乞入監讀
書今山東等處正缺糧儲乞免其請以濟權宜從
之并詔各布政司及直隸府州縣學生員能出米

八百石於臨清東昌徐州三處賑濟願入監讀書者聽

庚戌

哈密忠順王倒瓦答失里遣使臣阿力札克等同瓦刺等處地面使臣火者碾黑麻等來朝貢馬駝玉石貂鼠皮等物賜宴及綵幣表裏等處有差

辛亥

命歲給靖江王府鎮國中尉相適祿米四百石米鈔
命中半兼支江川王徽媚祿米五百石舊例米鈔
中半兼支至是王奏人口漸多食用不給乞增

本色米命歲給祿米七分本色三分折鈔

命太子少師兼吏部左侍郎翰林院學士江淵仍於內閣參與機務以奔喪還京也
減甲字等九庫吏典每庫止存司吏攢典各一名書辦時各庫有吏七名九名者虛糜廩食故從戶部奏減之也
巡按山東監察御史丁春亨案鐵嶺備禦都指揮使孫璟不嚴號令致虜潛入盜馬命執問之

命灌頂大國師沙加為西天佛子大國師灌頂國師
鎖南釋為灌頂大國師賜之誥命
巡按山西監察御史白良輔劾奏按察使俞本威儀不肅風紀

不振且老而疎於刑名下巡撫等官覆之時良輔
奏贖內書按察使為廉使為通政司所奏尋亦自
命劾命宥之命劾命宥之
壬子壬子調廣東布政司右叅政譚溥於江西布政司四川
按察司僉事成功於廣西按察司復除浙江按察
司僉事鄺傑於廣西按察司溥功俱以刺員取回
傑以丁憂服闋也老祿寺言大官等署器四損
敝者二萬六千八百有奇乞敕工部修理從之
癸丑癸丑

陞南京兵部員外郎鄭俊為南京禮部郎中禮部
主事王瑾南京戶部主事馮繼俱為南京戶部郎
中李永寧章瑜俱為南京戶部員外郎擢進士葉
鳶為南京戶部主事

命故錦衣衛指揮同知徐麟子容襲職
詔沿河有司以收貯雜木易米賑民饑從內官武
艮言也山西左布政使揚馬自陳年老有疾乞
致仕從之夜有流星二一大如杯色赤一大如
雞彈色青白俱有光燭地一起左攝提東南行至
房宿尾跡炸散一起——北斗杓西北行至雲

中...
甲寅...
封遼府湘陰王貴焞嫡子豪熾為長子荊州衛副
千戶張信女為長子夫人賜誥命冠帶
命浙江布政司右叅政胡清江西按察司僉事張哲
命致仕以巡撫右都御史洪英右僉都御史韓雍考
其善政無間清譽不著也先是哲已陞副使命未
至而被考黜至是命以僉事致仕云 降遼東廣
寧備禦都指揮鄧鐸充為事官時達賊五十騎犯
廣寧殺夜不收三人掠馬九匹鐸不即剿捕提督

軍務左副都御史寇深奉旨執問奏聞故有是罰
兵部臣因劾太監宋文毅都督曹義及深鎮守提
督厥罪惟均今乃第知委罪於下而不自責乞寬
治以警將來詔宥之

乙卯...
命雲南左叅將署都督僉事胡誌實授前職協同鎮
守金齒騰衝以都指揮同知李昇卒故也

丙辰...
直隸淮安府安東縣典史黃鎮言山東徐邳等處
饑殍盈野臣見運河船皆順帶執乞暫免運執令

其該運一軌者納糧一升貯於沿河官倉用賑饑
謹從之 提督宣府軍務右僉都御史李秉案守
備葛峪堡都指揮楊文松從軍士命巡按御史執
問之 戶部左侍郎兼太子賓客劉中敷平中敷
初名中孚順天府大興縣人

太宗皇帝舉兵靖難中敷以府學生員守城有功授
河南陳留縣丞遷工部營繕司員外郎

仁宗皇帝嘗命署掌部事改賜今名滿九載陞江西
布政司右叅議宣德二年遷山東布政司左叅政
尋陞左布政正統初陞戶部尚書嘗生事枷項于

長安門尋釋之一日被召問瓦剌來朝其馬駝晉
養於大同者幾何合用草料幾何中敷不能對遂
下獄論死罪禁錮久之宥為民時中官王振方竊
威柄故也景泰初復起為戶部左侍郎尋兼太子
賓客卒年七十有四遣官賜祭命有司具棺殮并
營葬事以其子給事中璉乞恩復尚書仍兼太子
賓客中敷為人謹約食不重味每與僚友會食殺
品雖多惟食其近者一味而已居官幾四十年家
無厚貲云

大明英宗睿皇帝實錄

景泰四年五月丁巳朔
免直隸真定府去歲被水州縣
地畝租稅
陞通政使司左通政梁輝為布政使
從右通政王復等奏保也既而輝亦奏保復等堪
以序進不聽
命故府軍前衛帶俸都指揮僉事呂俊子震讓為指
揮僉事仍奉衛帶俸
命光祿寺遇收厨料有附餘者俱作正數支用

大明英宗睿皇帝實錄

廢帝郝辰王附錄第四十七

景泰四年五月丁巳朔

太上皇帝在南宮

免直隸真定府去歲被水州縣

地畝租稅

陞通政使司左通政梁輝為布政使

從右通政王復等奏保也既而輝亦奏保復等堪

以序進不聽

命故府軍前衛帶俸都指揮僉事呂俊子震讓為指
揮僉事仍奉衛帶俸
命光祿寺遇收厨料有附餘者俱作正數支用

命祿寺奏本寺遞年造收粟炒數多無從支用事下
戶部請於在京官軍俸糧內折給一斗從之 太
子太保兼吏部尚書翰林院學士王文奏南直隸
江北府縣并山東河南地方去歲水災今春久雨
軍民艱食

皇上屢命官發廩糶賑濟素倉糧有限民飢無窮
臣聞南京儲積可足四年之用嘉湖糧多官攢有
守支一二十年乞勅巡撫侍郎李敏令將、等
府該運南京糧運於徐州淮安其原在徐淮糧命
巡撫官盡數放支賑濟飢民若南京之糧以嘉湖

糧補足如此則被災軍民可使全活南京倉儲亦
不空缺詔是其請命戶部即議行之 提督宣府
軍務右僉都御史李秉言馬營各堡糧少而懷來
見積糧多各堡雖嘗召商中納鹽糧緣路險費重
願納者少乞令都督孫安左叅將楊信量撥官軍
運懷來糧以給各堡為便事下戶部言鹽糧可減
輕召納懷來糧亦令各堡官軍今年五月六月分
俸糧為三班輪赴懷來閩給從之

戊午

詔以湖廣江陵縣江心沙洲地二頃給松滋王慶聖

二頃五十畝給衡陽王貴賢從王請也提督宣
府軍務右僉都御史李秉奏口外綿花積多足以
支用今歲河南山東州縣災傷者多宜令折徵綿
花俱改徵本色米存番本處以備賑濟從之

己未

山西按察使俞本奏巡按監察御史白良輔恃酒
狂蕩侮慢親王諸不法事命錦衣衛千戶陳綱覆
實執之監察御史徐瑄等奏良輔嘗奏劾本移勘
未報今本奏良輔實虛未明若止執良輔恐後方
面官果貪污奸惡御史畏其報復不敢復言互相

蒙蔽貽患非輕乞併執本鞫實各正其罪從之

夜水星犯積薪星

庚申

安南國王黎濬遣陪臣黎尚等賀立

皇太子貢金器四方物賜宴及鈔幣等物有差

詔巡撫直隸侍郎李敏均定應天等府州官民田先
是正統中戶部會官議令江南小戶官田改為民
田起科而量改大戶民田為官田以備其數既又
因御史徐郁奏令所司均配扣算務使民田量帶
官田辦糧以甦貧困俱行巡撫侍郎周忱清理然

民田多係官豪占據莫能究竟其弊仍舊至是郁
復以為言戶部請從其議命敏均定搭派敢有恃
強阻滯者執治其罪從之 定濟寧徐州中鹽例
戶部以預備賑荒召商於二處納糧每處准浙山
東鹽共二十五萬引俱每引准鹽米一石粟麥一
石二斗浙鹽米七斗粟麥九斗山東鹽米二斗二
升粟麥並二斗五升 令生員納米入監者比前
例減三百石

命故太子太師戶部尚書郭資孫讓入國子監讀書資

從

太宗靖難守北平城有功累進前官蔭其子佑任戶
部主事佑卒數年其妻李氏奏請令讓入監詔特
許之枝江王貴熠奏男女長成願賜本府折鈔祿
俱給本色米以贍婚嫁詔准給之 夜北方有星
初如雞彈青白色尾跡有光起自天津發光如盞
大正北行至雲中沒 監察御史周文劾奏翰林
院侍講學士倪謙母死不丁憂營求奪情太子少
師吏部左侍郎兼翰林院學士江淵薦謙克經筵
講官彼豈不知其有乖於世道特以一則受其乞
憐之切一則自為奪情之張本耳今淵果遭母喪

方其詔許奔喪時正當懇求終制乃自以為得計欣然就道夫人所以學為忠與孝也今二人居朝夕納誨之職何道以將順君德况經筵之日必衣錦綺必賜酒饌皆難樂受詔江淵倪謙既處分訖已之今後凡遇聞喪除特恩外其餘俱令依例守制不許濫保

辛酉

端陽節賜文武百官扇并宴免直隸大名府長垣縣被災地畝租稅

大壬戌

命陝西苑馬寺卿張敏福建布政司左叅政王士華湖廣布政司右叅議孫節致仕以老疾故也
巡按山東監察御史丁泰亨劾備禦廣寧前屯衛都指揮鄧鐸哨瞭不嚴為韃賊襲掠所部人馬詔執鞫之

癸亥

唐王瓊燼奏臣幼時受封所賜袞龍袍服今窄小損壞乞賜袞龍紵絲紗羅自製詔如其所請與之
陞禮科右給事中楊樞兵科右給事中王鉉工科右給事中王讓俱為本科左給事中禮科給事中

中陳謨兵科給事中李英工科給事中霍榮為右
給事中 陞吏部員外郎楊怒為河南布政司右
叅議南京工部主事周賢為浙江右叅議監察御
史潘洪為廣西按察司僉事 復除陝西按察司
僉事劉錯為山東按察司以親喪服闋也

甲子

命戶部以湖廣江陵縣河泊所鈔課給遼王府供用
提督府宣軍務右僉都御史李東奏邊墩軍士及
夜不收晝夜瞭哨賞賜冬布人得四匹宜矣其各
命城堡夜不收無過應辦糴差伺報聲息而一例給

賞不免虛費宜令准守城軍例兼賞拆色又正統
十四年韃賊犯邊瞭守軍因食不敷多有棄墩而
逃者今後宜令每墩預給各軍兩月行糧口糧預
備急用從之

乙丑

命前軍都督僉事楊俊襲封昌平侯洪之庶子也洪
卒嫡子傑襲爵未幾卒無子故以俊襲之 夜有
流星大如杯色赤尾跡有光出鉤隊北行至雲中
二小星隨之

丙寅

黜前刑科給事中王傑為民以其嘗匿父喪也工部尚書陳恭以老疾乞致仕從之

丁卯

巡按山東監察御史顧暉奏朝廷設立六部分理庶政又置館閣文臣以備顧問者蓋俾協心叅議上陳可否而後行也今六部各官或偏執已見如戶部奏令囚犯納米贖罪者加其米數在外軍民官俸俱止給本色一石且刑罰之如出於不得已豈熟之年猶宜遵守成憲况今軍民被災艱難之際豈可復加重哉祿以養廉民官家屬在任者少

減支猶可軍官一家有三四十口者亦減其俸可乎此皆戶部偏執故也臣願自今各部常事俱徑行若吏部推選內外重臣法司發落矜疑重囚戶部整理邊儲兵部選用兵俱令會同內閣大臣計議可否具奏行之詔該部看詳以聞戶部尚書金灑言臣等因右僉都御史王竑奏令囚犯贖罪加米官員減支俸糧亦因竑奏非敢專任已見妄為加減也且六部分理庶務其職掌今言本部整理邊儲須會同內閣大臣計議惟

陛下裁之詔曰只依見行事例行少保兼兵部尚書

于謙等亦言國家重務俱用奏請處分此
祖宗成法今權要先與內閣大臣計議然後奏請臣
等但知道

祖憲重君命其他非所敢從詔曰天下事
祖宗立法已定不可擅自更改

戊辰

仁宗昭皇帝忌辰遣官祭

獻陵

命故羽林前衛指揮使李廣弟讓金吾後衛指揮同
知官晟子端龍職燕山左衛指揮同知蔚忠子亮

代職四川左布政使候軌任滿九載當考績詣
京吏部言其熟知民情請畱復任從之擢李秀

才朱裡為中書舍人裡故尚實少卿祚之子以太
常卿程南雲奏保寫誥至是授以職戶部言先

因國用浩繁災傷屢見勸諭浙江等處殷實之家
有自備米^麥四五百石送赴通州交納者就給冠
帶以榮終身然勸諭之道尤在鼓舞今聞各戶運
糧將到宜令諛倉如法收受勿得畱難仍免其墊
席等物庶使民知感激樂於輸納從之

己巳

烏思藏尊勝等寺刺麻觀音朵魯只等^來朝貢佛像舍利方物賜茶鈔等物有差 奉山東山西管柴炭叅議

命工部右侍郎張敏代尚書陳恭管理柴炭以恭致仕也 太子太保兼吏部尚書翰林院學士王文聞母喪詔以內閣機務至重命文乘傳奔喪即起任事文兩乞終喪不允 謫守備廣東高州等處都指揮僉事孫壯於廣西戍邊壯素淫縱不法被知府楊仰謨奏發命總督軍務王翱執問至是翱以壯情顯著乞重罰以勵餘者故有是命 浙江

鹽場有員欠課多容商守支年久者戶部請治談場及運司官罪從之

辛未

爪哇國王巴刺武遣通事林旋來朝貢白鹿二火雞白猴紅鸚鵡各一賜鈔幣等物 太子太保兼吏部尚書何文淵奏昨吏科都給事中林聰等劾臣欺罔數事荷蒙恩宥

皇上不可私臣之罪臣甘受死於今日不願偷生傳汚名於後時乞下臣於理官與聰辨明詔曰何文淵居大臣林聰為近侍官當存心公道不許仍懷

私忿有乖大體

壬申

皇太后聖節免命婦朝賀以山東飢命起運河間等處小麥并改折粮布徵本色米共九十一萬餘石俱存本處備用從巡撫尚書薛希璉奏請也

勅董卜韓胡宣慰司掌司事都指揮使克羅俄監察近得四川鎮守等官奏稱尔受故土官巡檢董敏侄伯浩詞狀欲調領番人擒捕王永叔姪為敏復讐永與敏讐殺之事朝廷處置已定如果敏有冤其姪自宜赴鎮守官處訴告具聞定奪爾董卜韓

胡素守禮法豈可啟他人爭競之端壞自己忠誠之美勅至爾宜幡然改悟謹守地方勿聽誑誘負朝廷平昔之眷注爾其欽哉給已故梁莊王女新寧郡主并儀賓陳賓寧遠郡主并儀賓張鎰祿米

癸酉

以久不雨命少傅兼太子太師禮部尚書胡濙等二十人編禱于在京寺觀復除山西行太僕寺少卿鄭悠於南京太僕寺南京江西道監察御史張琛於貴州道福建道監察御史白瑛刑科掌科

事給事中宋儒吏部考功司主事李柰仍舊任戶部雲南司主事孟玘於禮部精膳司刑部浙江司主事汪甫於本部山東司山西司主事吳節於南京司俱以親喪服闋也 陞吏部考功司主事沈淳為本部稽勲司負外郎 禮部精膳司主事胡誠為本部主客司負外郎 南京山西道監察御史李升義奏和氣致詳乖氣致異此理之自然事之必驗者也近年南京宮殿災地震今年四月十九日驟風雨朝陽門城上旗竿摧其半石城門南邊城傾圮此蓋由大臣不能燮理調和之所致也竊

觀南京守備叅贊并五府六部事官每月朔望會同議事各執己私互相嫉妬或有興利除害之事太監謂此事可為或又必曰不可為都察院謂此事可行或又必曰不可行彼此矛盾紛紜執事不能成可謂乖而不知矣又有甚者總兵戎而威或不揚管錢穀而奸弊不革掌刑名者出入人罪專造作者賣放人匠以至居銓選典禮司喉舌職言路為守令者各多不稱其職人怨嗟和氣消沮此災異之所以迭見而不已也乞命剛明大臣將各官從公考察內有昏耄庸鄙妨政壞事者

悉黜退之別選賢能以補其闕仍降詔書戒責俾
皆修省改過撫安軍民回復和氣庶災異可彌而
祥瑞可臻命禮部會官議尚書胡濙等奏宜勅戒
各官許其自新從之 山東布政司右叅議陳雲
鵬奏運河之水偶爾泛漲三月四日敗沙灣減水
壩越七日又敗南分水墩自是抵五月水益浩瀚
墩岸橋梁皆被衝壞而北馬頭決五丈有奇漕舟
今雖暫通臣恐此後水勢益大一帶隄岸皆未能
必其無虞宜預積工料為脩築計竹木之類已於
浙江等處順帶其石料柴草動億萬計雖有山東

諸司罪人折納恐不足用臣謂在京造作已息請
以山東河南南北直隸等處該班石鐵等匠量發
前來於附近山場採運准其班次其河南囚犯亦
如山東之例運石於沙灣贖罪事下工部言河南
北直隸旱澇人民艱食聽其於山東起取匠二萬
人採運物料務在修築堅完漕運不阻從之
巡按江西監察御史原傑劾按察司僉事張哲逼
索所部銀賄時哲已致仕命法司鞠之

甲戌

修犧牲所 陞吳智為指揮僉事南京錦衣衛帶

俸

命廣西為事武毅為都指揮僉事仍聽陳旺調遣殺賊賞征勦湖廣靖州等處苗賊官軍都督毛福等七千九百十七人鈔綵幣表裏絹布有差直隸徐州大雨水滄沒禾稼民饑愈甚巡撫按官右僉都御史王竑等各具以聞詔命竑悉以改撥支運及鹽課糧賑濟之遼府庶人貴煊妻李氏奏舊祿米一千石內三百石給本色歲用不敷乞照伯庶人貴烜男豪堪例歲給五百石又奏男壕梁聘荊州衛千戶李洪從妹豪捲聘荊州衛指揮

朱傑從妹經今五年不能婚娶乞照伯庶人貴燮例賜與表裏首飾猪羊等物從之右副都御史

劉廣衡奏湖廣所屬府縣糧有因災傷免徵及既徵被苗賊燒燬者不才官吏因為覆勘乘機科擾又有通同糧里延緩不納意圖宥免者即今俱乏糧儲官軍多者二十餘月少者十餘月不得給糧設復遇災以何賑濟乞令該部將復勘糧數不候勘報俱與分豁免致騷擾其負并未起運南京糧俱令本布按二司刻限追徵於附近衛所倉納以補官軍支用從之

乙亥年七月
都督同知黃竑自廣西赴召至京

帝謂少保兵部尚書于謙等曰竑素有機謀勇略可
留前府治事撥與房屋居住其子并家人為事繫
廣西獄者俱宥之爾兵部遣官齎勅往廣西取竑
子及家屬赴京隨住沿途應付口糧并船以竑嘗
建易儲策故也

丙子

四川益井衛土官副千戶刺速伯重慶衛海洞長
官司長官楊昌榮邑梅洞長官司土官舍人遣頭

目伍永宗并湖廣施州衛木冊長官司土官舍人
田思敬等來朝貢馬賜鈔有差
給靖江王府鎮

國中尉相益歲祿四百石

丁丑

禮部右侍郎兼春坊庶子鄒幹及巡撫官右僉都
御史王竑等以鳳陽府水災奏請於淮安常盈倉
支糧十五萬石并支官銀一千五百兩僱船運赴
鳳陽賑濟從之
巡撫山東刑部尚書薛希璉奏
山東義民出粟八百石五百石賑記者已有例給
冠帶其四百石至二百石者亦係仗義之人宜立

石免役以勵之事下戶部言四百石者宜立石記
名并二百石者俱復其家三年後之太子太保
兼吏部尚書何文淵疏乞致仕

帝曰朕欲晉卿匡輔治道今既累以疾辭特允其請
命有司給驛舟仍賜勅勞諭之給襲封昌平侯
揚俊祿米歲仍一千一百石太子太保兼刑部
尚書俞士悅上疏請斥歸田里不允巡按廣西
監察御史沈義奏廣西人民多被流賊劫殺逃散
所遺田地無人佃種糧草負累見在人戶隱細乞
賜除豁詔從其請命廣西布按二司官仍為勘實

果拋荒者即撥與有丁之家耕種毋得以熟作荒
圖免糧額違者罪之卯時木星見辰辰時見巳
位

庚辰

陞江西道監察御史甘澤為廣西按察司副使專
理巡鹽以鳳陽府飢罷壽州等衛歲造軍器
戶部言近聞宣府大同遼東甘肅寧夏延綏等處
兩澤頗時秋收有望乞移文鎮守等官年富等督
令所司將通年運去官銀起時糴糧以備支用其
有足食之處官軍俸糧願折銀者聽問月給銀亦

可省節餽運從之
辛巳
勅諭安南國王黎濬近得王奏稱向者占城國言王因索取象花致興兵侵擾俱是虛妄足見守禮義之國也自今以後王宜益厚鄰好保守疆界安輯人民勿以前事為嫌因而啓釁賜都督同知黃鉉居第

壬午

提督宣府軍務右僉都御史李秉奏口外秋青草有積久范爛者乞給官車飼馬而以各軍所採秋

青新草補納備用從之

癸未

命致仕太子太保兼吏部尚書何文淵復任文淵已

得請致仕未行

帝召吏部臣王直等諭之曰朕覽六科十三道所言文淵數事皆無實跡人才難得其令復任文淵具疏辭不允召監察御史沈琮王驥伍星會陳瓛還京琮等初以巡撫等官右都御史李實等奏從巡撫等處理事至是兵料都給事中蘇霖等奏巡撫等官以監察御史從舊無此例請悉徵之故有

是命會令考退官并坐事官為民者能自備米豆
二百石赴獨石交納給冠帶以榮終身從戶部奏
請也 鎮守陝西刑部右侍郎耿九疇奏陝西延
慶地方雖有管糧叅政各於堡官軍不相統攝每
遇納戶上糧任其特強作孽縱有發露者不服提
問致使官攢人等虧折糧多乞令吏部選除有風
力按察司副使一員赴彼監督收放糧料禁革奸
弊原委叅政取回管事從之

乙酉

提督宣府軍務右僉都御史李秉以口外缺糧奏

請開中戶部定例雲州堡淮鹽每引四斗三升浙
鹽三斗三升長蘆鹽二斗七升赤城廣備倉淮鹽
四斗五升浙鹽三斗三升長蘆鹽三斗龍門衛并
十戶所二倉俱淮鹽五斗浙鹽三斗八升長蘆鹽
三斗並令米豆中半上納詔從所擬 沙灣大雷
兩決北馬頭河岸四十餘丈運河水掣八塩河漕
運之舟悉阻不行

大明英宗睿皇帝實錄

廢帝邨戾王附錄第四十八

景泰四年六月丙戌朔

太上皇帝居南宮命江西都指揮僉事劉順子雄代為指揮使以順老疾故也巡按山西監察御史白良輔劾奏署都指揮使朱忠都指揮僉事官端占種屯地管屯僉事蔡汝忠失不舉奏下清軍御史項璉覆之皆驗請治其罪詔俱宥之

丁亥

陞山東道監察御史常茂為陝西按察司副使督

大明英宗睿皇帝實錄

廢帝邨戾王附錄第四十八

景泰四年六月丙戌朔

太上皇帝居南宮命江西都指揮僉事劉順子雄代為指揮使以順老疾故也巡按山西監察御史白良輔劾奏署都指揮使朱忠都指揮僉事官端占種屯地管屯僉事蔡汝忠失不舉奏下清軍御史項璉覆之皆驗請治其罪詔俱宥之

丁亥

陞山東道監察御史常茂為陝西按察司副使督

理邊儲以刑部四川司主事李誠署本司員外郎
事文巡按湖廣監察御史張翰劾按察司僉事駱
敏受贓脫所按千戶死罪命執鞫之巡按直隸
監察御史璦安按鎮守大同右都督孫鏜子百戶
宏欺侮定襄伯郭登諸狀俱驗宏贖杖并劾登以
大臣守極邊而爭辯小忿互相訐奏鏜縱其子不
大法俱當究治詔置登等不問但械宏於京處之尋
亦宥焉平六月丙戌

戊子

戶部收糧主事楊壽擅移糧戶當輸邊者令輸京

倉總督糧儲侍郎張睿及該司官覺狀不舉奏巡
倉御史王晉劾其罪詔宥睿不問令錦衣衛執壽
及該司官訊之

己丑

戶部郎中徐敬奏播州被賊竊擾官軍剿捕必用
糧餉緣今四川之民財殫力乏乞以前所停納米
叅吏等例仍復擬數出榜召人上納為便事下戶
部言實准其請移文四川布政司令吏典軍民人
等能自備糧米七十石到播州三十石到貴州等
冠帶文官退非贓罪欲請給誥敕者二十石僧道

欲給度牒者五石收參知印監課司提舉司司吏
一百石都行布按四司承差八十石都布二司吏
典五十石後滿陞參通吏三十石令史二十石理
問所斷事司廣濟庫各監課司稅課局及叙重夔
三府嘉瀘忠三州并萬縣七遞運所武寧臨江二
巡檢司典吏四十石陞參司吏二十石府州縣司
典五十石陰陽醫士僧道起送赴部冠帶授職者
一百石收役陰陽醫生一十石俱自備米赴播州
缺糧倉分交納然路有遠近糧有貴賤或增或減
俱聽本司會同郎中徐敬及都按二司官酌量民

情以行從之 巡撫河南石都御史王暹奏黃河
舊從開封北轉流東南入淮不為害自正統十三
年改流為二一自新鄉入柳檝決由故道東經延
津封堽入沙灣一決滎澤漫流原武抵開封祥符
扶溝通許洧川尉氏臨潁鄆城陳州商水西華項
城太康等處沒田數十萬頃而開封為患特甚雖
嘗於城西沿河築小隄內又築大隄皆約三十餘
里然沙土易壞隨築決往歲久雨已沒小隄今歲
復壞大隄之半不即修塞必及城垣其害非小臣
會同三司計議請於不被災府衛州縣起倩軍夫

倍築大隄用防後艱從之 徙守備白羊口署都
指揮僉事兵得於紫荆關黃土嶺口先是兵部主
事陳銓言黃土嶺口最為要害宜用智勇武臣守
備故有是命 以陞慶衛缺糧命守備屠庸等關
口官軍俱輪赴京倉給糧 命巡撫浙江右都御史洪英兼理鹽法賜教諭之
廣西守禦賀縣千戶陸綱坐挾私杖死撞人總督
軍務太子太保兼左都御史王翺以便宜處之但
令償以財物謫之得州地方哨守殺賊事下刑部
謂殺人抵死律例之成法用財償命總督之便宜

秦乞

上裁詔網罪翺已處之置不問後今凡戾于法者其
仍治如律例 日生暈色黃赤鮮明

庚寅

賜鎮守浙江右都御史洪英守備紫荆關大理寺
卿孔文英誥命并封贈其祖父母父母妻從英等
奏請也 旌表節婦歐氏等二人歐氏直隸丹徒
縣民張昇四妻夫亡年二十七紡績織紵奉姑育
子守節三十一年秦氏武進縣民張冕妻夫亡年
二十一家貧養姑盡禮守節五十九年俱旌表其

門曰貞節安化王秩終奏母亡之物殯塋詔賜
白金百兩紵絲十匹絹倍之保安王公鍊奏祖
母趙氏疾府中之藥調治命太醫院如數給與之
山西行都司王林衛帶俸操備都指揮徐恕坐
挾讎杖死所部千戶當斬會赦命宥死編克本衛
軍少傅兼太子太師吏部尚書王直言居大臣
之位者當任大臣之事若老病曠官必當乞身而
退以全廉耻則朝廷得用賢之實而老病者亦得
免曠官之誅此臣道之當然也臣本下才不遠於
用欣遇

聖朝忝備官使

皇上臨御屢賜陞遷荐至極品又以臣老病特免常
朝深仁厚德如天如地臣碎首糜軀不能補報緣
臣竊祿已五十年今七十五歲諸病日甚行動艱
難目暗耳聾精神昏倦所行諸事隨即忘記雖犬
馬之心不忘報主而駑劣疲憊勉強不前累乞致
仕未奉允俞是以瀝膽披肝再陳懇悃伏乞矜從
放令致仕感

陛下曲全始終之惠免愚臣曠官廢事之愆結草效
忠尚期身後

帝曰朝中不可闕老臣卿年雖邁柰國事日繁勉留
任事候邊境寧謐更議之

辛卯

代府番寧郡主薨遣中官致祭命有司營葬
湖廣按察司僉事董敬生贓會赦特命黜為民
戶科都給事中劉燁等奏近聞戶部措置邊儲有令
退黜文官非贓罪者許納米二十石請給誥敕臣
等以為此例若行則名器不重將何以勵臣節且
考退官多因罷軟酷虐荒淫酒色廉耻不立者非
直贓罪而已也今若賜之誥勅不知又將何辭以

為褒美若但褒其納米則是朝廷誥敕止直米二
十石不應如是之濫也蓋尚書金灑等周知大體
不重名器故措置乖方如此乞改正為便詔是之
命戶部速為改正遣中官祭中雷之神

壬辰

四川行都司鹽井衛土官刺速伯遣把事與撒等
貢馬賜鈔有差加封國師班卓兒藏卜為灌頂
清心戒行大國師賜以誥命
命漕運官軍運糧一萬五千石赴隆慶衛倉交納
南京給事中唐澧等奏鳳陽府係

太祖龍飛之地邇來灾傷尤甚乞以應天府勸借糧
給濟從之太子太保兼吏部尚書何文淵左春
坊左庶子兼翰林院侍講周旋下獄初文淵任温
州知府治行稱最及再起為吏部聲譽浸損旋温
人也見文淵屢被彈擊具疏為伸其枉及文淵復
留用吏科都給事林聰等攻之益力遂併劾旋
帝命宥之給事中曹凱廷諍曰何文淵奸邪周旋黨
比於法難縱乃俱下獄先是文淵與太監興安善
其得復留安有力焉及是聰劾文淵有囑托內臣
等語意指安也安奏請

帝詰問是何內臣聰復奏云文淵欲私其所親往往
詐稱內臣囑選因與善地以濟已私疏入復詰詐
稱何內臣囑選何人于何地聰等又言臣等以言
為職凡事風聞不敢不盡其愚非有所畏避而不
敢言也

帝乃釋文淵致仕旋復職陞太子太保兼左都御
史王翱為吏部尚書太子太保如故從大臣及六
科十三道會舉也
癸巳
汝陽大長公主孫謝琰奏祖母墳塋無人守看命

南京禮部移文應天府江寧縣撥民四戶與之
太子太保兼左都御史陳鎰有疾命擇良醫療之
初守備大同西路左少監韋力轉奏左副都御
史年富侵盜官銀姦宿淫婦及縱子芳往來所部
受指揮等官賄諸不法事下巡按御史覆之至是
御史魏安言力轉銜富嘗按已貪虐等罪欲陷之
乃為是妄奏富子芳雖未嘗受賄然縱之往來探
省法亦有違俱當究治詔宥之命都察院移文示
戒餘遼東戎卒李福惠伏僧王海等潛於施峰塘
聚謀為亂福惠稱唐太宗後偽號太清國投海國

師并其徒康不再隨等為摠兵都指揮等官流亡
軍民為其誘迫者已數百人提督軍務左副都御
史寇深等覘得其狀遣備禦都指揮僉事周瑛等
捕獲械送京師命都察院鞫之

甲午

命永清右衛帶俸署都指揮僉事指揮同知穆盛署
中都留守司副留守事 協贊寧夏軍務右副都
御史馬恭又以老疾陳乞致仕兵部言宜於侍郎
副都御史內命一人往代之詔以恭明習邊務仍
令扶病視事 瓦剌太師也先遣使持書與赤斤

蒙^古衛都督亦魯伯言已殺敗可汗人馬滅其家
欲與亦魯伯往來通好且約亦魯伯禁治西番人
民亦魯伯受而秘之鎮守肅州都指揮吳釗調知
遣人索取以聞詔兵部移文各邊關嚴兵以備之
命^{乙未}日生左右珥色黃赤鮮明

乙未

賜寧府德興郡主并儀賓戴英誥命冠服鞍馬等

物

丙申

烏思藏刺麻番僧矣失言千等貢方物賜絲幣等

物有差 擢進士袁凱陳鴻漸陳蕙程宗王佐俱
為刑部主事楊景為工部主事

己亥

命福建左布政使黃懋致仕以老疾故也 刑科左

給事中曹凱言比者戶部奏准軍民官吏輸豆補

官且如輸豆四千石以上者授以指揮歷俸不過

十六七年所得之祿償彼之豆已倍半矣又况令

其世襲是以生民之脂膏養無功之子孫於無窮

也有功者必相謂曰吾以累世忘軀而獲此官彼

以輸豆而亦獲此官是朝廷以吾之軀命同^穀粟

其誰不解體臣恐人人無所勸勉起端雖微弊流甚大乞敕該部計議但係輸運粟豆授武職者帶俸不任事亦不許其世襲有犯贓者治罪如文職例授文職者止許於原籍衙門帶俸榮終其身詔凱言有理其已授職者仍舊管事承襲自今以後悉如凱言

命庚子

永興王志堞奏舊染風疾緣府中無川廣藥材以

致危殆命太醫院量給與之

辛丑

陞直隸永平府知府張茂為山西布政司左布政使貴州布政司右叅議尹弼為本司左叅政南京右軍都督府經歷鮑經為左叅議廣西道監察御史李璿南京福建道監察御史周璿俱為廣西按察司僉事山東道監察御史強宏為山西按察司調山東按察司僉事劉益於貴州按察司

壬寅

初貴州總兵官左都督方瑛爾謀勇素為蠻夷信服

今後遇有本境及附近盜賊生發即將四川湖廣

等處官軍酌量調來聽爾節制殺賊務在悉心戮
力以圖成功各處緊要地方缺守備都指揮等官
聽爾揀選任用爾其慎之 靖遠伯王驥言頃者
命臣娛老南京天恩莫報但臣原籍丘隴近附北
京况臣年垂八袞朝不慮夕乞容臣回北京得依
日月之光又盡拜掃之禮臣子之心兩得其便詔
特允所請

癸卯

廣西總兵等官陳旺等奏思恩軍民府土兵調赴
桂林哨守者相離本府遼遠農田不得耕種該納

稅糧宜暫免徵從之

甲辰

安化王秩終以致祭毋欲躬赴京謝恩復書止之
陞雲南楚雄府知府計澄為廣西按察司按察
使陝西同州知州秦銘為陝西布政司左叅議以
巡撫官奏保澄通敏銘廉能故也 山東兗州府
奉所屬官州縣大兩水二麥無收 山西行都司
都指揮孔旺為大同右衛指揮時以軍功冒陞妻
姪為所鎮撫至是覺命巡按御史收鞠之 卯刻
木星晝見於未位

敕通議大夫管廣西思恩府事土官岑瑛曰朕以爾率本府馬步狼兵頭目韋陳威等於廣西在城操練協助軍威茲特陞爾階為正議大夫給賜綵段表裏其韋陳威等亦俱令冠帶敕至爾瑛照舊率兵操練聽調殺賊以安邊境不許始勤終怠候有軍功陞賞不吝爾其欽承朕命毋忽復浙江按察司按察使陳璇職初軒輓任浙江按察使以嚴肅馭下璇承其後稍濟以寬然官吏汚暴者必懲其不貸尤精法律詞訟旁午片言而決布按二

司故常遣輿隸索物於市以鈔給直僅十之一號為和買興隸因以為姦得利入己又十數倍仍旨去民甚苦之輓璇相繼痛革其弊會都御史洪英考察官吏至浙璇同僚以璇不便已毀之英考璇短於施為黜璇去任行李蕭然唯圖書數冊而已軍民號泣遮道擁歸僧寺至夜半乃得去耆老相率詣闕奏保璇復任從之已而英復來浙鎮守見璇得復任益憾之奏璇朝覲回索馬夫銀價運糧費又縱其甥囑有司為賣鹽而右布政使楊瓚亦嘗賣鹽副使羅荒僉事陳永俱知而不効事下巡

按御史庶其事狀以聞六科給事中交章雪璇枉
詔仍命璇復職復河南按察司僉事劉懷仍撫
民王俊仍理屯種懷後先是俱以剝員裁省赴吏
部尋以戶部請番故有是命召鎮守浙江右都
御史洪英還京以鎮守浙江都督同知李信奏英
不諳憲體也巡按廣西監察御史沈義劾奏哨
守柳州右叅將孫麒慶遠都指揮彭英潯州左叅
將范信不嚴守備致猺賊縱橫出沒掠虜人畜宜
究其罪詔宥不問令總督軍務左副都御史馬昂
督之緝捕前賊

丁未

命故陝西都指揮同知陳贊子璣襲為指揮使設
鳳陽府穎州沈丘鄉巡檢司戶部言獨石馬營
俱邊境要地宜及寧靖預為積糧乞召人運米有
能自通州倉運赴獨石者每一石官給腳價銀六
錢赴馬營者五錢五分從之直隸河間衛奏先
因鈔法不通令本衛各官菜果園地俱驗畝鈔今
鈔價高貴連年納欠甚為民患乞改徵糧草從之
觀昏刻北方有星如盞大赤色尾跡有光起自天
梧星正南行至宦者星沒

戊申五月廿三日

賜永興王姪輔國將軍公錡嫡生子名誠浩自請
備禦遼東廣寧前屯衛都指揮僉事鄧鐸為為事
官聽總兵官調用立功日某早園出縣魏岫煙今
已酉

復遼東守備寧遠衛署都指揮僉事任義職仍停
俸三月先是韃賊犯寧遠小團山指揮劉變戰敗
義巡哨適至與之戰亦敗總兵官曹義等奏變義
命失機變降為事官義充軍義陳寃下兵部移文覆
視曹義等言義於黃土坡殺敗賊衆奪回被虜人

口功過可以相掩故有是命

辛亥

琉球國中山王尚金福遣陪臣蔡寧等貢方物賜
宴并綵幣等物有差提督宣府軍務右僉都御
史李秉言土木鷄兒嶺往年陣亡官軍及潰散死
於溝澗者埋瘞未盡近因山水衝激暴露風日已
遣人收集萬五千餘骸合塚塋埋其大同等處及
紫荆等關暴露者亦多乞移文各邊俱令埋瘞從
之降陞後軍都督府帶俸都督僉事王斌為都督
同知仍舊帶俸賞其淑浦縣等處殺苗賊之功也

壬子... 戶部委官主事汪回顯奏四川鹽井竈丁多在深山絕澗之中無官府里鄰臨比客商到井者率橫索下程多支引鹽甚至鹽數不敷支給抑令退悔已聘幼女而娶為妾者又有田土被大戶占種不還者以此貧弱逃亡虧負鹽課事下戶部請移文四川按察司執豪商強民治罪以警其餘從之

月犯井宿

甲寅

擢進士劉泰郝淵之郭本項情彭信田斌吳琛劉

紀楊福江清辛訪張瑄章亮陳顯趙銘為監察御史泰等先選送都察院理刑至是考其諳曉刑名故皆擢之 戶部奏在廷群臣折俸銀數除公候駙馬伯外武臣每季該銀一十二萬四千三百一十二兩有奇文臣每季該銀三千五百八十九兩有奇

大明英宗睿皇帝實錄

大明英宗睿皇帝實錄
廢帝邸戾王附錄

景泰四年秋七月丙辰朔

太上皇帝居南宮

帝享

太廟 遣中官祭司門之神 蠲湖廣衡州寶慶永

州茶陵長沙沅州諸衛浙江杭州台州寧波諸府

去年被災田地子粒稅糧二萬三千三百石有奇

直隸鳳陽淮安府徐州河南開封衛輝南陽山

東莞青菜諸府各奏自五月以來淫雨連綿河水

泛濫順天府直隸保定府萬全都司山西太原府
各奏亢旱不雨大同府朔州奏六月雨雹傷民禾
稼租稅無徵俱命戶部遣官覆視以聞陝西咸
陽三里橋及渭河二浮橋舊以咸陽涇陽二縣協
造至是有司言費大民不能辦請抽分客商所販
竹篾充用事下工部覆奏許權三十分之一橋成
即止從之

丁巳

命南京太僕寺卿王榮致仕以年老故也 陝西綏
德衛城壞奏款倩延川清澗米脂安定四縣民修

理工部覆奏四縣民供給繁重不宜更役可令其
衛軍修理從之 刑部奏山西巡按御史白良輔

按察使俞本下本部獄鞠得良輔所劾本疎於刑
名本所奏良輔恃酒狂蕩等事俱間有虛妄各當
贖徒還職命贖畢復本職調良輔福建汀州府連

城縣知縣

戊午

命故後軍右都督紀廣子順寧襲為指揮同知

味已未

仁宗文皇帝忌辰遣官祭

長陵

勅都指揮同知石端往廣昌操備陞陝西道監察御史王福為順天府府丞陞番僧舍利藏南渴領占俱為都綱罷納粟補官例以畝田將登邊儲稍實也太僕寺少卿黃仕雋奏臣經過河南見黃河一派自滎澤縣南流入項城縣界一派自新鄉縣入柳樹北流入張秋會通河兩派河流皆經六七州縣約有二千餘里俱係民間耕植之地民皆蕩析離居老穉不相保聚或死或徙或聚為盜而有司猶徵其稅民屢訴告戶部恐失糧額不

與分豁夫古者計地徵稅猶恐傷民况取無地之稅乎乞勅所司覆視免徵加意撫恤從之

庚申

命金吾右衛帶俸都指揮僉事高福定子傑為指揮同知

命召商於貴州各倉中納鹽糧凡開中雲南兩淮鹽共十萬引雲南黑白二井鹽每引米五斗五升淮鹽五斗三升安寧井鹽四斗淮鹽三斗五升俱不次支給考陵衛指揮僉事苗勝年老以其子瑛代之巡撫貴州右僉都御史蔣琳奏數歲貴州用

兵軍餉皆仰給於湖廣四川之民勞於輸輓今地方稍寧請令該輸米豈折收銀布運赴貴州備用庶幾民力少紓從之
四夜有流星大如雞彈色青白有光出天厨西南行至天津

辛酉

赦刑部死罪囚徒十三人戍口外減徒杖笞罪各一等時河決沙灣京畿久旱詔群臣條上時宜少傳兼太子太師禮部尚書胡濙等以禳災弭患欽恤為先請勅法司寬減囚徒以回天意故有是命
懷慶大長公主嫡孫故羽林前衛指揮僉事王彞

子陞求襲父職詔特從之

壬戌

遣太保寧陽侯陳懋告于

昊天上帝

厚土皇地祇曰臣以眇薄仰荷崇高付託弘深孤違重大肆臻災害連在夏秋百穀垂成三農失望臣之愆咎無所逃辭伏望矜憐曲垂原宥弘降膏雨溥濟群生安遠侯柳溥告于

太社

太稷之神武清侯石亨告於風雲雷雨山川之神曰

茲者夏秋之交百穀將實雨澤不降憂切躬擻
厥所由敢辭愆咎特慮虔懇仰叩高明弘布甘霖
大蘇民物誠所願望專俟感孚禮部侍郎姚夔等
賫香幣牲醴分告於在京東嶽廟京都城隍大小
青龍西南龍宮山龍潭北嶽垣山北鎮醫巫閭山
東嶽泰山東鎮沂山中嶽嵩山濟瀆北海淮瀆西
海東海大河河伯等神曰國以兵民為本兵民以
食為天仁政所先熟加於此方百穀將實重以漕
運方殷雨澤罕敷河流多決兵民所望疇當副之
夫朕為國子民而神為民捍患實皆天職然有司

存朕所能為豈敢畏難於朝夕神之易舉詎可辭
勞於指麾沛膏雨以作豐年助順流而為通道
願有禱也冀無負焉 協贊軍務太子少保兼左
副都御史羅通進將傳要略命以訓練將士初通
請命文臣取百將傳刪其浮繁撮其機要以訓武
職詔從兵部議就以委通至是書成上進故有是
命 吏部等衙門少傳兼太子太師尚書等官王
直等言欽惟

皇上敬天勤民臣等菲才忝備任使不能修職以召
和氣是以亢暘為虐百穀漸枯黃河溢流漕道淺

溢民食國計大為可憂

聖心焦勞不遑寢食揣厥所由實自臣等濫居師傅
之任謬忝卿佐之榮既無燮理寅亮之能又乏修
政立事之用神怒人非致此災沴竊惟漢唐以來
上天降災則任事大臣必蒙黜免今臣等致災如
此不敢逃罪避事伏乞

睿斷將臣等該支俸米各減四分臣等當洗心滌慮
勉自新庶幾天意可回災變可弭疏入詔曰災變
蓋朕不德所致卿等務存心匡輔治道不允辭祿

癸亥

內閣臣陳循等奏今歲禾稼甚茂臨實缺雨此誠
臣等無才無德不能調燮裨益治理所致罪當罷

黜仰賴

皇上優容臣等不勝感戴然竊自揣臣等叨居近侍
責任尤切非他大臣之比乞將臣等所支月俸量
減分数逐日酒飯俱行住給庶彰臣等不職之罪
或亦可以小回天意

帝曰豐廩厚祿

祖宗勸士之禮也災變實朕不德所致卿等但當夙
夜盡心匡朕不逮以消天變所辭不允

甲子...
命召商於大同右衛中納鹽糧淮浙長蘆鹽共一百十
九萬引每引淮鹽米五斗浙鹽三斗五升長蘆鹽
二斗五升俱不次支給 禮部尚書胡濙侍郎薩
琦姚夔槩吏部等衙門尚書王直王翱金濂于謙
儀銘俞士悅石璞侍郎俞山項文耀孟鑑俞綱李
賢王偉周瑄劉清趙榮左副都御史羅通劉廣衡
大理寺卿蕭維禎寺丞李茂聯名合奏竊見邇者
天旱河決臣民憂懼累蒙遣廷臣以祭告出內藏
以修禳憂國恤民之心本諸至誠責已省躬之念

形諸睿旨顧惟臣等積咎淵深致茲災異日夜淬
礪用圖自新切撥自古欲禳災以回天意必修政
以順民情今會議得便民事理條例上進一河南
等布政司順天等府州縣近年稅糧子粒馬草農
桑絲絹綿花戶口食鹽米鈔地畝課鈔黃白臘厨
果品黃豆稽緇草等項有已徵送赴各該倉庫納
欠者有已申起解全無送納者合照依景泰三年
五月初五日欽奉 詔例將前項未完錢糧等項通行蠲免用甦民困一
山東河南等處連年民被水災今京畿東南一帶

乾旱不雨其塙上等各馬房原餵馬足日支料草
浩繁乞
勅御馬監官除內府本監馬足及各馬房上等馬足
外宜將其餘中等以下馬足揀選存留餵養其餘
馬足給軍騎操庶得供給減省民力少蘇一在京
醫士天文生陰陽人樂工班匠在處并丁憂違限
等項及國子監膳夫囚夫并厨役其間多因衣食
不給逃回原籍或於外郡趨食躲避妄作非為今
後許限三個月以裡赴所在官司首告免罪其醫
士天文生人等若年高并患篤疾殘疾不堪應役

者俱令該管官司審驗明白即與開豁一光祿寺
厨料如牛猪羊鵝等項催辦絡繹不絕民間供應
不前蓋為艱難所致誠恐四夷朝貢來多一省卒
難取給宜豫令樽節以備供需庶免科擾一雲南
所屬各府州縣儒學生員自洪武永樂年開闢設
以來不分流土官衙門一例選貢至洪熙元年以
後始分土官衙門者選貢流官衙門者歲貢由此
累年多有考試不中往復人難今後宜照舊例不
分流土官衙門仍舊一例選貢不許更改一供用
採辦買辦香料等藥除已徵在官者解納其自景

泰四年正月以前拖欠者停免一在京大小寺觀
宮廟止許原給有本寺觀度牒者聽令住坐其見
有職役者不拘若係掛搭及無度牒者悉令回還
原籍不許蚕食京師一欽天監成造進用曆日該
用黃白榜紙書籍紙連三坐派順天府大興宛平
二縣舖戶買辦并分派衢州開化出產去處抄造
送用所有拖欠宜悉與停免一內外法司照提一
應謀逆反叛及人命強竊盜逃軍逃徒逃民積年
逃躲山林不服拘喚及不有官復業者文書到日
限三箇月以裏出官自首悉免其罪一各處擺站

煎鹽炒鐵囚徒內有年限滿者在內法司問擬相
應囚犯送去該部轉發替放在外問囚衙門徑發
更替一各處歲辦皮翎野味魚油翎鰓等項自景
泰四年以前拖欠未辦者盡行蠲免已徵在官者
照舊解納一景泰四年六月以前坐派軍需等項
物料即今民艱以十分為率免辦五分其餘暫候
下年豐收照舊徵納一在外衙所季造軍器合用
物料軍衛有司相魚採買拖欠未完者景泰四年
以前盡行停免以後照舊成造一各處屯種牛隻
自景泰四年七月以前倒死例該追賠者免其追

賠一栽種菜蔬採辦蘆葦荆條葛稽自景泰四年正月以前拖欠未納者盡行蠲免一各處逃移人戶先該會議奏准附正統十四年六月以前逃移各處行移原籍照勘明白附籍已定者不動外其十四年六月以後逃者仍舊招撫沿途應付口糧復業不願回還者俱照前例仍令附籍當差免致勞擾一上林苑監蕃育署總甲王嵩等節告遠年在逃養牲王三等六百三十五名遺下原養牲口雞鶩等項共九千九百九十六隻即今着令見在人戶包陪委的艱難宜自正統十四年十二月以

前拖欠照例除豁其餘良牧等三署有此等者一体除免中間有隻身無倚年六十以上并篤廢殘疾者驗實放回果缺人用候各處豐收多行僉補一方面郡守員缺例於在京在外官內初任兩考以上陞任一考以上者推選今照各處方面郡守員缺數多前項年深官少例難舉用今後有缺宜於初任一考之上稱職陞任一年之上才德堪任者推舉請旨陞用一吏典三考滿日舊例照依資格出身後因中間多有入物鄙猥寫字粗拙文移不通者往往廢職誤事宣德年間凡三考滿日考

試文義粗曉行移得當書札不謬三事俱可取者
為一等照資格出身或二事可取者為二等雜職
內用三事俱不可取者放回原籍為民今照前項
吏典實撥并辦事通該十餘年備嘗艱苦方得後
滿以此往往援例奏告今後宜令吏典兩考到京
分撥各衙門辦事滿日吏部就行揀選除曾充隸
兵及犯罪殘疾者不考將年少壯人物端正者考
試文移中者實撥各衙門充吏三考滿日無贓犯
違碍照依資格出身其不中者發回原籍為民一
人臣之道忠孝為本今受任官員如有父母年七

十以上及篤廢殘疾無人奉侍或路遠不能就祿
而欲近地及願改任以便養親者吏部察實以聞
宣從其所請若任大責重難以改易者不許詔曰此
卿等為國為民之心俱允議行

太乙丑

陞南京太醫院院判忻克敬為本院院使

命左春坊大學士兼翰林院侍讀彭時右春坊右庶
子兼翰林院侍講趙恢為應天府鄉試考官

命修滁陽王廟先是已奏允修理緣賞費太多有司
不免奉行至是令省費修理之禮部奏近該給

事中孫珉言治人之道莫急於禮禮有五經莫重
命於祭是祭者報本反始之道不徒貴乎物之備尤
必貴乎誠之盡也故古君子之於祭祀外則盡物
命內則盡志書曰鬼神無常享享於克誠此之謂歟

我朝京本舊制到陳許表歲歲本到到到

太宗

仁宗

宣宗陵寢之所朝庭每遇令節特命貴戚大臣至祭
文武官員亦皆陪祀為臣子者正當齋明盛服以
奉祭祀可也柰何近來陪祀官員多不敬謹或止

於附近寺觀而不赴齋宿者有之或名雖齋宿而
肆行酣飲者有之或未祭而遽然先回者有之
或正祭而公然高睡者有之其武職之中或就携
坐卧之物而行禮或就著兩截之衣而與祭或咲
譁全無忌憚或跪拜略不加心威儀放蕩殊無可
觀誠敬廢弛莫此為甚若此何以達精誠而致明
德之馨香乎又何以昭
列聖之靈既而致感格乎往者監察御史萬節奏行
禁約人皆視為虛文即今中元令節在邇乞勅該
部嚴加禁約仍先令給事中御史各二員糾察敢

有仍前故違者指陳奏聞其各該衙門陪祀官員亦須各具姓名開報給事中御史點閱查究從之

民望戶科都給事中劉偉等奏比者戶部以南京戶部尚書沈翼嘗在山東公幹備知民情請勅本官在彼設法賑濟饑民今翼蒞事已久並無一章奏報沙灣河決利害匪輕亦無一策上聞似此庸庸而謂之深知民情免濟於事可乎且山東地方已有尚書薛希璉少卿張固侍郎鄒幹僉都御史王垕在彼賑濟今復留翼是猶十羊而九牧也乞命冀早赴南京理事命希璉等專心撫卹從之

命太子太保兼工部尚書石璞往治沙灣決河時有旨

命工部司務吳福往治已就道給事中國盛等言沙灣之決累勅大臣尚不能為經久計吳福庸下豈能濟事况決口頗大費用工料甚繁亦不宜獨仗山東其河南并南北直隸人匠淮安臨清及龍江尾屑壩諸抽分木料亦宜許其取用詔從之乃徵福還而以璞往 監察御史練綱言沙灣之決昨見教諭彭埴請立閘以節制水勢開河以分拆上流其言頗似近理又往來舟人淹留日久必皆愁

困躁急但得設法前進雖或稍傷其財力無不樂趨事功者可因借用之詔是其言令與尚書石璞措置代王仕壘奏女晉陵郡主卒無以營葬

詔與米一百石所在官庫見有布絹量與五十疋

丙寅 月犯建星

命故金吾右衛指揮使吳誠子通武驤右衛指揮同知葉安子榮金吾後衛指揮僉事任瑄子禮燕山前衛指揮僉事李貴孫茂大興左衛指揮僉事莊敏子通羽林左衛指揮僉事于能子得羽林前衛

指揮僉事解友子通南京金吾右衛指揮使蔣興

子能金吾後衛指揮僉事鄧振子瑀俱襲職

武驤左衛指揮使彭真子麟騰驤右衛指揮同知

徐貴子昂金吾右衛指揮僉事謝凱子敬濟陽衛

指揮僉事杜貴子春南京濟川衛指揮同知李是

子鑑俱代職 戶科給事中何陞言六科給事中

為近侍之官所以出納命令封駁奏章舉正差失

况都給事中又為之長凡議大事決大疑推選大

臣審錄重囚皆得與列豈可以非才任之乎近見

各科都左右給事中闕員往往自荐保濫授今後

乞勅吏部遵依舊制推選庶使官得其人詔是之
丁卯
襄王瞻墻奏第三女第四女成婚宜有從人欲備
價於本府軍校之家選買幼人各八人世子祁鏞
寧鄉王祁鏞二婦痼疾准選二人婚配并祁禱次
婦虞氏及所生庶長孫要買選幼女各四人以備
使用從之
初命工部鑄造性字牢字火烙各一
會同禮部官并監察御史印記各布政司解到大
祀牛羊送太常寺掌寺事禮部尚書蔣守約請也
河南右叅議豐慶言江南漕舟阻於張秋之決

計無所出臣請自淮安清河口入黃河至開封府
滎澤縣河口轉至衛輝府胙成縣泊於沙門陸輓
三十里至衛河船運至京往時議者以河道初改
恐阻碍不行今河道已通數年往來船不絕豈糧
船獨不可行章上命總督漕運都督僉事徐恭等
覆實回報

戊辰

戶部奏此者集丁壯於沙灣濬治漕河該給口糧
已令山東河南及直隸大名等府糧稅并山東因
犯贖罪米及中納鹽糧等米俱於臨清濟寧二處

上納備用然沙灣之去二處動隔一二百里支運誠有不便請令山東布按二司官於沙灣相視空閑房屋收受支用從之

已巳
陞工部郎中龔理為山東左布政使兵部郎中黃興為福建左布政使刑部郎中劉讓為右叅政大理寺右評事宋欽為按察司僉事復除中書舍人劉福仍舊任以母喪服闋也

命陝西寧夏中衛署都指揮僉事王勛協同左叅將熊震守備寧夏西路興武營署都指揮僉事馬鑒

協同右叅將王榮守備寧夏東路西安前衛指揮僉事蔣泰提督興武營官軍操備從鎮守寧夏太監王清等奏也 湖廣永利府零陵縣奏正統十三年正月民張成子妻李氏一產三男詔各男已長不必分養有司賞米鈔如例

庚午 奏新出 長陵 中元節遣官祭

長陵

獻陵

京陵

欽天監天文生李瓊母卒奏乞奔喪畢即回

監辦事詔令守制。晉府廣昌王妃張氏薨妃兵馬副指揮彥和之女景泰二年冊封至是薨訃聞遣官致祭命有司營葬。陞翰林院檢討兼右春坊司諫曾暹為國子監司業從吏部會大學士陳循等奏保也。先是戶科都給事中劉煒等奏鎮守臨清平江侯陳豫違法擾害軍民至是巡按御史顧雍勸報豫占用隨後官軍舍餘五十名擅立巡視地方老人十五名乞勅巡河御史協同鎮守庶有所警命豫洗心改過撫卹軍民御史不必協同。右軍右都督田禮奏臣於湖廣貴州等處同

保定伯梁瑤等殺賊有功瑤等已皆進秩乞為照例陞賞兵科及兵部言禮先征雲南玩寇辱師無功有罪已為都御史王來所劾後過蒙陞右都督今來所進湖廣等處殺賊功冊無禮名禮乃妄陳功次蒙蔽朝廷法當問罪詔不許禮請亦不問其罪。

辛未

添設南京羽林右衛復成橋倉置副使一員。山東按察司僉事趙縉任御史按直隸時嘗受贓偏刑拷太倉衛千戶文賢致死其弟讓至是奏訖都

察院請執緝驗狀從之
壬申

雲南三司會官揀選黔國公沐斌家閣者福住等
一十六名年幼堪用遣官伴送來京命悉送司禮

監大理寺右少卿張固初奉勅嚴督山東三司
官緝捕盜賊撫安軍民至是以事竣乞還京許之

癸酉

太宗文皇帝忌辰遣官祭

長陵趙王瞻塢奏臣第四子襄邑王祁鎰妃魯氏

薨無嗣欲於本府地方軍民良家續選婚配從之

復命監察御史巡視兩浙鹽課先是歲命巡鹽

後以各處已有巡撫鎮守等官兼理罷之至是鎮

守浙江右都御史洪英回京故復命御史巡視

陞都察院右都御史兼大理寺卿王來為南京工

部尚書仍舊兼職來總督湖廣貴州軍務至是召

還京故有是命調南京工部尚書王永壽於工

部專督理柴炭陞太子太保兼大理寺卿蕭維

禎為都察院左都御史太子少保兼都察院左副

都御史羅通為右都御史俱太子太保如故大理

寺右寺丞李茂為本寺右少卿禁軍民越訟時

軍民刁頑者或懷挾讐怨或避免差操往往搜求
細故羅織重情赴京越訟比至究理証者過半且
連染無辜死於非命太子太保兼刑部尚書俞士
悅等請如洪武永樂間例揭榜禁之自今朝廷機
密重務外軍民一切私怨細故俱先所在官司理
之其越訴於京者無問虛實悉杖遣口外充軍從
之職察御史徵咄咄中無大聖寺喇正未成南京工
甲戌命選察御史徵咄咄中無大聖寺喇正未成南京工
遼王貴燧岷王徽燦俱欲以明年正旦來朝復書
止之命選察御史徵咄咄中無大聖寺喇正未成南京工

乙亥命選察御史徵咄咄中無大聖寺喇正未成南京工
陞南京刑部河南司員外郎莊約為本部浙江司
郎中浙江司主事陳旺署山東司員外郎事兵部
武選司員外郎洪常署本司郎中事主事盛綸署
員外郎事調職方司主事焦鈍於武選司監察
御史周斌等劾奏太子太保兼刑部尚書俞士悅
左副都御史劉廣衡於內府直房爭辨私怨失大
臣體詔士悅等各陳罪狀宥之監察御史劉孜
張瑩屢劾順天府府尹王賢年老縱吏害民且云
今旱氣成災幾旬尤甚皆貪官未去民生怨望所

致詔宥之賢兩乞致仕不許
丙子
右春坊右諭德兼翰林院侍講徐理上疏言為人
臣當避國諱為子孫當避家諱臣幼誤犯祖諱據
禮當避請更名有貞從之先是北虜之難京師震
驚有荐理才者召入問計泣曰驗之星象稽之歷
數天命已去無能為矣莫若請幸南京尚書胡濙
于謙陳循等力以為不可太監興安厲聲叱理曰
祖宗陵廟在此將誰與守理大慚而出尋有詔凡
南遷者必處以死自是朝廷薄理不肯重用雖大

臣屢薦引不允理意為循所抑陰憾之而陽為諂
事求進循具告之故故謀更名
巡撫山東刑部
尚書薛希理奏沙灣河決舟膠不得前臣借倩江
西等處運糧軍民一萬九千六百人協助山東丁
壯濬治然運糧軍民勞力已久乞將所運糧該輸
京倉者改於通州上納庶省餼車之費以償濬河
之勞從之

丁丑

命孔子五十九代孫彥遵入國子監讀書
提督宣
府軍務右僉都御史李秉奏隆慶保安二州之民

自被寇驚今漸復業又被歲凶恐復轉徙已將缺
命食之家給與口糧俟豐年償官從之

戊寅

賜少傅兼太子大師禮部尚書胡澆少傅兼太子
太師吏部尚書王直少保兼太子太傅戶部尚書
文淵閣大學士陳循少保兼太子太傅工部尚書
東閣大學士高穀少保兼太子太傅兵部尚書于
謙太子太保兼吏部尚書翰林院學士王文太子
太保兼吏部尚書王翱太子太保兼戶部尚書金
濂太子太保兼兵部尚書掌詹事府事儀銘太子

太保兼刑部尚書俞士悅太子太保兼工部尚書
石璞太子太保兼都察院左都御史陳鑑太子太
保兼都察院左都御史掌鴻臚寺事楊善太子少
師兼吏部左侍郎翰林院學士江淵太子少師兼
戶部右侍郎翰林院學士蕭鎡太子少傅兼吏部
左侍郎俞山太子少保兼兵部左侍郎俞綱兵部
善以上并封贈其曾祖父母祖父母父母妻淵以
下并封贈其祖父母父母妻 南京工部尚書兼
大理寺卿王來奏臣母年已九十止有臣弟謙侍

養而從伯在雲南金齒充軍者物故無丁繼後有
司所以謙補伍乞用都御史王文朱鑑恩例分豁
軍伍從之桂觀其曾孫少世孫少世孫少世孫少
已卯將領林命復運江南折糧銀二萬兩於大同易米實邊先是
已運銀八萬兩至是以山西旱災供給不敷故復
增是數給湖廣聽調征剿達官達軍馬三百匹
巡按直隸監察御史沈性劾鎮守薊州等處左
叅將都指揮胡鏞因公杖死所部千戶命執鞫之
庚辰無

勅諭兩京三法司十三布政司按察司南北直隸及
各處巡按御史各府州縣曰刑者民命所關自古
聖帝明王莫不以此為重故欽恤之訓戴諸虞典
式敬之言著於周書我國家

列聖相承尤拳拳致謹於斯近聞內外法司罔体此
意或任好惡或避嫌疑或視權豪勢要以為重輕
或畏患害艱危不加辦理甚者吹毛求疵刑及無
辜是致良善冤抑姦究自如傷陰陽之和召水旱
之沴遠邇荐飢流亡失所興言及此朕為惻然茲
特勅諭爾等務体至懷恒存矜恤凡百大小刑獄

務在悉心推究情輕而罪重者可矜罪輕而情重者雖宥不使無辜不致於受寃有罪不得以幸免刑罰得中人心稱快然後副朕憫恤之意如或故違罪不尔宥

詔停天下不急工役而彌災也 陛湖廣布政司右布政使崔恭為江西左布政使廣東道監察御史張翰為左叅議復除雲南布政司右布政使蕭暉於湖廣布政司以親喪服闋也 陛雲南布政司右叅議甘敬修為本司左叅議命按察司僉事倪端復任敬修端以剝員當裁送吏部會本處缺員

故仍用之 河南開封府儒學教授黃奎奏學校乃育賢之地科貢實取士之方以科貢取士尚患真材之不得况以納粟而貢士乎近因山東飢饉有司既發廩粟以濟之

陛下復出內帑以賙之又勸諭殷實之人出粟或褒以璽書或錫以冠帶救荒之策亦云備矣而議者又令學校生徒納粟八百石者得入國子監循次出身夫納粟非官古衰世之政雖有之猶未聞以納粟而貢士者今以納粟貢士臣恐書之史冊將取後世作捕之機矣且比年旱澇皆因臣庶失

職賍濫無厭是以感召天變殃及於民今以浮浪
不教之子納粟進身數年之後寄以民社是猶驅
狼虎以牧群羊歎其不恣啖噬得乎朝廷資其利
於旦夕而遺其患於悠久誠非計之得也乞速罷
之其已納粟者止復其家或旌異其父兄庶幾浮
薄競進之倍少抑事下戶部尚書金濂等議曰納
粟貢士乃救荒權宜之策而非經久常行之道請
俟秋成倉廩稍實飢民得所然後停罷之東坡雜
辛巳

陞湖廣監察御史朱紱為大理寺左寺丞以藩邸

舊臣也 陞兵部武庫司生事金純為本司郎中
仍寫誥勅以任滿九載也復除翰林院檢討李本
仍舊任南京禮科給事中盧祥於吏科工科給事
中奚倫于兵科監察御史馮靖蘓廉祿鄧洪戶部
員外郎盧茂主事任榮李才郁俱仍舊任以親喪
服闋也 雲丘王美壻奏母杜氏患風乞賜藥餌
命太醫院給之 造岷府荆府祭器 守備萬全
左衛張家口堡都指揮僉事齊廣先是坐役軍出
口捕鹿事下監察御史執問得實命枷號百日謫
戍極邊提督軍務右僉都御史李秉以廣犯尚在

例前今百月垂滿乞釋廣令如常例贖罪還職開
其自新之例詔特宥之
壬午
陞刑部署員外郎事主事陳蘭為山東按察司僉
事專理河道漕運總兵官都督僉事徐恭奏沙
灣河決水皆東注以致運河無水舟不得進者過
半雖設法令漕運民挑濟月河築壩遏水北流然
北高東下時遇東南風則水暫北上舟可通行設
遇西北風則水仍東注舟不得動况秋氣已深西
北之風嘗多經旬累日舟行不過數里誠恐天寒

水凍不敢必其得達京師乞蚤為定計事下戶部
議宜勅恭與石璞王玘計議如舟可前進則令運
赴通州上納如不得進則令沙灣以北者於臨清
上納以南者於東昌及濟寧上納漕輓軍民令回
本處運次年糧儲從之

癸未

陞順天府府尹王賢正二品俸以九載任滿故也
廣東三司奏給事中潘本愚等奉使占城回還
於本船內搜出下番官軍鎮撫羅福等二百四十
二員名帶回象牙板坯烏木錫蠟等物共一千九

百二十三斤俱應入官命所司照教給還各人
四川右布政使蔡壽等奏先是以本處用兵糧儲
不足文武大小官員每月止支本色米二石今地
方寧息糧儲足用乞如宣德正統間例開支從之
夜有流星大如杯色青白出五車行丈餘光大
如椀光明燭地北行至文昌

甲申
賜靖江王府奉國將軍佐誠子名相賓佐茂子名
相蓋佐慎子名相經佐善子名相暉佐孚子名相
資佐弼子名相迪相遵佐通子名相輿相麟相軾

佐順子名相覺佐常子名相顯 河南按察司四
川按察司俱奏請修理司廳從之 四川播州宣
慰使司土官宣慰使楊輝遣辦事長官趙暹烏思
藏刺麻番僧綽劄等來朝貢馬賜綵幣鈔錠有差

其宗憲皇極經世一

四以爲本不以爲末本固是也以爲末則本固

是矣夫本固則末自正矣本正則末自固矣

本固則末自正矣本正則末自固矣

本固則末自正矣本正則末自固矣

本固則末自正矣本正則末自固矣

本固則末自正矣本正則末自固矣

本固則末自正矣本正則末自固矣

本固則末自正矣本正則末自固矣

本固則末自正矣本正則末自固矣



書